

“ [Ko] ha Fakamo’oni ki Hono Mo’oni ‘o e Ngaahi Fekau’ Ni” (TF 67:4).

Lau fakataha ‘a e Tokāteline mo e Ngaahi Fuakava 67:4–9 ‘o kumi e founa na’e tali ‘aki ‘e he ‘Eikí ki he ngaahi hohā ‘a e kaumātuá fekau’aki mo e ngaahi fakahā kuo ma’u ‘e he Palōfita ko Siosefa Sāmitá.

- Fakataha ki he veesi 5, ko e hā na’e tokanga taha ki ai e kaumātuá? Na’e uesia fēfē ‘e he meá ni e founa ‘o ‘enau vakai ki he ngaahi fakahā kuo ma’u ‘e he Palōfita?
- Ko e hā na’e fakaafē ‘e he ‘Eikí e kaumātuá ke nau faí?

Lau e fakamatala ko ‘eni mei he hisitōlia ‘o Siosefa Sāmitá fekau’aki mo e me’a ne hoko hili hono ma’u ‘e Siosefa ‘a e fakahā ‘oku lekooti ‘i he Tokāteline mo e Ngaahi Fuakava 67:

“Na’e feinga ‘a [Uiliani] E. Makalēlini, ko ha tangata poto mo’oni ‘i he’ene fakakaukau pē ‘a’aná, pea ‘i he’ene ma’u ha ‘ilo lahi ange ‘i he’ene fakakaukau lelei, ke tohi ha taha ‘o e ngaahi kihii fekau ‘a e ‘Eikí, ka na’e ‘ikai lava; ne hoko ia ko ha fatongia fakamanavahē ke tohi ‘i he huafa ‘o e ‘Eikí. Na’e fakafo’ou e tui ‘a e kaumātuá mo kinautolu kotoa pē ne ‘i ai ki he kakato ‘o e ongoongolelei ‘i he’enu mamata ki he feinga ta’e’aonga ko ‘eni ‘a ha tangata ke fa’ifa’itaki ki he lea ‘a Sīsū Kalaisi, pea ki he mo’oni ‘a e ngaahi fekau mo e ngaahi fakahā ‘a ia kuo foaki ‘e he ‘Eikí ki he siasi ‘o fakafou ‘i he’eku ngāuē; pea na’e fakahā ‘e he kaumātuá ha loto fiemālie ke fai ha fakamo’oni ki honau mo’oni ki he māmaní kotoa” (Manuscript History of the Church, vol. A-1, p. 162, josephsmithpapers.org).

Hiki ha fo’i mo’oni ‘e taha pe lahi ange, ‘a ia te tau lava ‘o ako mei he ngaahi me’a ne hoko ko ‘eni:

- ‘E tokoni fēfē kitautolu ‘e he tui ki he ngaahi mo’oni ko ‘eni ke tau ma’u ha tui lahi ange ki he ngaahi lea ‘a e kau palōfita mo’ui?

